



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 57. Rex Rogerius pacem cum Papa init.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. Antipapa & a Gerardo Inculismensi ordi-
A.C. 1139. dinati fuerant, addito mandato, ne un-
 quam ad altiorem gradum admitti pos-
 sent. Tum quemlibet Episcopum, in
 Concilio præsentem, & in Schismate or-
 dinatum, suo nomine compellans ad se
 iussit accedere, cui postquam culpam in-
 dignans exprobravit, Pedum de manu
 rapuit, annulumque de digito, & Pal-
 lium Pontificale humeris detraxit. Ab
 hoc rigore ne quidem Petrus Pisanus ex-
 emptus fuit, quem Papa sua dignitate pri-
 vavit, quamvis ei, cum Schisma reliquit,
 S. Bernardo persuadente, ignovisset.
 Quare S. Abbas querelas movit, data ad
 Papam epistola, vigore plena, in qua lau-
 dans quidem ejus contra Schismaticos
 zelum, dicit; non debere infligi æqua-
 lem pœnam, ubi dispar culpa esset, nec
 Pontificem famæ suæ consulere, si quod
 ipse fecisset, destrueret.

Sup. §. 44.
ep. 213.

§. LVII.

Rex Rogerius pacem cum Papa init.

Rex Rogerius, qui Schismatis languen-
 tis reliquias tuebatur, in Concilio La-
 teranensi cum omnibus fautoribus & Se-
 ctatoribus excommunicatus. At vix so-
 luto Concilio Rex e Sicilia in Italiam trans-
 mittens septima Maji anno millesimo cen-
 tesimo trigesimo nono Salernum appulit,
 totamque Apuliam peragravit. Omnes
 urbes,

Sæcul. XII.
A. C. 1139.

urbes, si Trojam & Barium exceperis, de-
ditionem fecerunt. Quo comperto Pa-
pa Roma egressus, collectis, quas in illa
festinatione potuit, copiis usque ad op-
pidum S. Germani infra Montem Cassi-
num processit. Tunc vero Legati utrin-
que missi, qui de pace agerent. Sed ec-
ce, inter hæc Regis filius, Papam, iter
facientem, mille equitibus stipatus, a
tergo aggressus, capit, & decima Julii ad
patrem suum deducit. Illico Rex Roge-
rius nunciis ad Papam, captivum suum,
missis, humillime pacem rogat, quam Pa-
pa a suis destitutus, sine viribus, sine ar-
mis deprehensus facile concessit. Ergo
conditiones fœderis conscribuntur, quas
inter præcipua fuit, quod Pontifex Ro-
gerio Regnum Siciliae, filiorum alteri Du-
catum Apuliae, alteri Principatum Capuae
daret.

His mutuo consensu compositis, Rex
duoque ipsius filii in conspectum Papæ
veniunt, ad ejus pedes provoluti veniam
petunt, atque obedientiam promittunt.
Fidelitatem quoque Pontifici ejusque
Successoribus jurarunt; qua fide acce-
pta, Papa Rogerium Regno Siciliae, tra-
dito vexillo, investivit. Hac industria
Rogerius Titulum Regis, ab Antipapa
sibi datum, a Legitimo Pontifice confir-
matum accepit. Itaque pace, in Festo
S. Jacobi vigesima quinta Julii, jurejuran-
do

Sæcul. XII.
A.C. 1139

Innoc. ep. 9

do inita, Innocentius Papa Bullam edidit, in qua, factum Antipapæ dissimulans, obsequia a Roberto Guischaro, novi Regis avo, & a Rogerio ejusdem parente Ecclesiæ præstita, & Dignitatem, quam ipsi Honorius Papa concesserat, nempe Ducis Titulum, commemorat. *Quare, inquit, Regnum Siciliae, cum Ducatu Apuliae & Principatu Capuae concedimus tibi & Successoribus tuis, si nobis se se homagio debito obligaverint, & censum annum sexcentorum Scyphatorum reddiderint.* Erat vero Scyphatus nummus aureus cum Scypho impresso. (*)

Cang. Gloss.

Inde Innocentius Beneventum digressus, ibique eo honore, qui ipsum Sanctum Petrum decuisset, exceptus, Rossmannum Archiepiscopum, ab Antipapa ordinatum, ex illa urbe secundo expulit. Die secunda Septembris Romam rediit, ubi

Chro. Benev.

(*) Huic Bullæ, seu Epistolæ numero nonæ, ut sæpius solebat Innocentius Papa subscripsit his verbis: *Ego Innocentius Catholice Ecclesie Episcopus.* Sed major auctoritas & potestas latet in Titulo, *Pontifex Romanus* quam Episcopus *Ecclesie Catholice*, ut enim nihil de eo dicamus, quod Titulo Episcopi *Ecclesie Catholice* omnes ceteri Episcopi de jure Divino uti possint, quo modo etiam antiqui Episcopi, & nominatim S. Augustinus tom. V. pag. 375. subscribebant, Summi

ubi ingenti omnium desiderio expectabatur. Cum vero Romani hortarentur, ut pacem cum Rogerio Rege sancitam tolleret, rejecto eorum consilio, agebat, se singulari Dei providentia ab hostibus fuisse captum, ut inde reducendæ pacis nasceretur occasio. Nec abs re, nam pax ista omnibus Principibus probabatur, atque Rogerius exinde Rex legitimus ab iis ipsis habitus est, apud quos antea Usurpator & Tyrannus audiebat. Quod dignoscimus ex epistolis, a S. Bernardo & Petro Abbate Cluniacensi ad eum datis.

Sæcul. XII.
A.C. 1139.

Bern. ep.
207.
Petr. III.
ep. 3.

§. LVIII.

S. Malachias Hybernus.

Sub idem tempus S. Malachias, negotia Ecclesiæ suæ peracturus, Romam venit, annos vitæ numerans quadraginta quinque; nam anno millesimo nonagesimo quinto lucem primo aspexerat, ex patre nobili & matre piissima ortus. In civitate Armachena educatus, & literis instru-

vit. auct. S.
Bern. opusc.
12. c. 1.

mi Pontifices auctoritatem & Jurisdictionem suam ex eo maxime probant, quod sint Successores non alterius cujusquam Apostoli, sed S. Petri, ad quem Christus dixit: Pasce oves meas Joan. 21, atqui id ipsum optime & clarissime per vocem: *Episcopus seu Pontifex Romanus*, demonstratur.